



SIARAN AKHBAR PRESS STATEMENT

S.A. 2016/02/12 (HQ)

PANDUAN KESELAMATAN ELEKTRIK SEMASA PERAYAAN TAHUN BARU CINA

Tenaga Nasional Berhad (TNB) menasihatkan para pengguna agar sentiasa mengambil langkah berjaga-jaga dan menitikberatkan aspek keselamatan elektrik dalam kemeriahan menyambut perayaan Tahun Baru Cina minggu depan.

“Bagi mengelakkan sebarang kejadian yang tidak diingini sepanjang musim perayaan ini, para pengguna perlu berhati-hati ketika menggunakan perkakas elektrik,” kata Pengurus Besar Kanan (Hal Ehwal Korporat dan Komunikasi) TNB, Datuk Ir. Mohd Aminuddin Mohd Amin.

Beliau menyarankan pengguna agar tidak membebankan soket dengan penggunaan adapter elektrik secara berlebihan bagi mengelakkan bebanan elektrik yang tinggi dan kemungkinan berlakunya gangguan bekalan.

“Selain itu, sila pastikan gulungan wayar (*extension cable*) dibuka sepenuhnya untuk mengelakkan ia menjadi terlalu panas apabila digunakan.

“Elakkan membuat sambungan sendiri untuk pelbagai jenis peralatan elektrik. Sebaliknya, dapatkan khidmat kontraktor elektrik yang berdaftar dengan Suruhanjaya Tenaga untuk melakukan pendawaian tambahan di premis,” katanya.

Ir. Mohd Aminuddin turut menyarankan pengguna supaya mengamalkan panduan-panduan berikut:-

- menjauhkan *extension cable* dari kawasan berair jika ada pemasangan peralatan elektrik di luar rumah
- memastikan Pemutus Litar Arus Baki (PLAB) atau *ELCB* berfungsi dengan baik
- mengelakkan pemakaian barang hiasan logam seperti jam tangan, rantai atau cincin ketika menguruskan pemasangan peralatan elektrik
- menutup dan menanggalkan plug dari bekalan kuasa jika tidak digunakan apabila keluar dari rumah
- mengawasi dan mengingatkan keluarga/rakan supaya tidak menghampiri kawasan larangan TNB
- melaporkan sebarang kejanggalan dan pencerobohan berkaitan pemasangan TNB di talian 15454 serta merta.

Dikeluarkan di Kuala Lumpur pada 5 Februari 2016

Untuk sebarang pertanyaan lanjut sila hubungi Md. Derus Bunchit (019-2662296) /
Teng Yoon Soon (019-293 1228) / Puti Mazlina Mashudi (013-3642727)

media@tnb.com.my